



بِسْمِ اللّٰهِ الرَّحْمٰنِ الرَّحِیْمِ

ISLAMSKA ZAJEDNICA U BOSNI I HERCEGOVINI
MUFTILUK ZENIČKI
MEDŽLIS ISLAMSKE ZAJEDNICE TEŠANJ



GODINA VIII
Broj: 1/30

BILTEN

Januar-mart 2013.g.
safer-dž.-l-ula 1434.h.g.

Interno informativno glasilo Medžlisa IZ-e Tešanj

ŠARENI-MEKTEB - PONOVO MEKTEB



Tešanj: 12. 01. 2013. g. U povodu završetka radova na unutrašnjem uređenju i ponovnom stavljanju Šarenog mekteba u prvobitnu namjenu – mekteb – upriličeno druženje vakifa u mektebu, u kome se od početka II polugodišta ove m. g. (januar 2013.g.) održava mektebska nastava za polaznike mekteba iz: Dibekhana, Čarši, Hamzibegove i Avdipašine džamije Tešanj.

NASTAVLJEN GENERACIJSKI PROJEKAT



Tešanj: mart 2013. potpisan ugovor i nastavljene aktivnosti na unutrašnjem uređenju zgrade sjedišta Medžlisa IZ-e Tešanj (bivše Gazi Ferhatbeg medrese). Uplata za gradnju može se izvršiti na transakcijski račun Medžlisa IZ-e Tešanj u **Vakufskoj banci** Tešanj broj: **160-300-55-00011523** sa naznakom „Za zgradu Medžlisa“ ili na blagajni Medžlisa.

OBILJEŽEN 12. REBIU-L-EVVEL – DAN ROĐENJE MUHAMMEDA a.s. 24.01.2013.



Centralna manifestacija u Čarši-džamiji u Tešnju; Mevlud i uručenje priznanja i nagrade iz Fonda „Hasan ef. Škapur“ Gazi Husrev-begovoj medresi Sarajevo.

ODRŽANA 4. SJEDNICA SKUPŠTINE MEDŽLISA IZ-e TEŠANJ- 24.02.2012. (str. 6.)



Na 4. redovnoj sjednici Skupštine usvojen Izvještaj o radu i uručena priznanja hadži Ahmetu Kantiću, Hajrudin ef. Deliću, Ademu Mahalbašiću i Senahidu Prnjavorcu,

NAJAVE:

28. 04. 2013.g. - Mevlud za šehide u povodu općinskog Dana šehida u džamiji Kraševo, poslije podne-namaza.
07. 05. 2013.g. - „Večer Kur'ana“ u povodu 7. maja „Dana džamija“ u Novim Miljanovcima.

RIJEČ UREDNIKA*Iz obraćanja na sjednici Skupštine*

Vi koji ste pouzdani, imajte Boga stalno na umu i neka svaka osoba pogleda što je spremila za sutra...“ (Hašr,17.)

„Allah je dovoljan svjedok meni i vama, jer On zna i vidi robove Svoje.“ (Isra, 96.)

... Hvala vam sto ste se odazvali na IV redovnu Skupštinu i što svojim prisustvom svjedočite značajan događaj za Medžlis Islamske zajednice Tešanj. Pred vama je i Izvještaj o vjersko-prosvjetnom radu za 2012 godinu koji predstavlja pogled na godinu iza nas ali i novi početak što se oslikava kroz kontinuitet rada Islamske zajednice, pomoću koje pronosimo lijepu riječ o čestitim i vrijednim muslimanima Tešnja.

Ovogodišnji izvještaj s jedne strane predstavlja osobnu aktivnost džematlija u odnosu na dužnosti koje imaju prema Dragom Bogu, sebi i drugima, te s druge strane realizaciju tih aktivnosti koje su sublimirane kroz rad organa Islamske zajednice, odnosno kroz džematske odbore, džemate i službe Izvršnog odbora.

Ovo je prilika da iskažem svoje osobno poštovanje prema muslimanima Medžlisa Tešanj, džematskim odborima na čelu sa imamima i predsjednicima, vama članovima skupštine, članovima Izvršnog odbora na čelu sa predsjednikom, uposlenicima u službama kao i zeničkom muftiji mr. Ejub ef. Dautoviću, što ste na pojedinačnom planu pravili značajne iskorake u razvijanju svijesti o našem duhovnom, materijalnom, bratskom zajedništvu u smislu zajedničkog dobra kroz Islamsku zajednicu.

Zato upućujem dovu Allahu dž.š. da nas obaspe svojom neizmjernom milošću za učinjena dobra djela te da nas ne krivi ako neodgovorni između nas učine ružno djelo.

Čovjek ostvaruje svoj život u trima vremenskim odrednicama- **prošlosti, sadašnjosti i budućnosti.**

Poznato nam je da prošlost ne možemo mijenjati.

Sadašnjost je moguće mijenjati prema kur'anskoj normi koju možemo pročitati i zapamtiti na naslovnoj strani islamskih informativnih novina **Preporoda** a koja glasi da se stanje jednog naroda može mijenjati nabolje ako je taj narod spreman mijenjati svoj odnos prema samom sebi. To mijenjane stanja nabolje znači imati sretniju budućnost na dunjaluku a ujednu radost na ahiretu.

Stoga očekujem da ćemo i u narednom periodu kao odgovorne osobe jačati islamske korijene u nama samim. Korijene koji nije moguće iščupati iz našeg jedinstva, iz našeg zajedničkog rada, iz naše pojedinačne i kolektivne odgovornosti, iz naše odanosti Zajednici, iz naše svijesti o vremenu i mjestu u kome živimo kao muslimani.

Ne zaboravimo! Živimo u **Bosni i Hercegovini.** Govorimo **Bosanski jezik.** Ponosni smo **Bošnjaci** koji su uvijek čuvali svoj obraz zahvaljujući vjeri **Islamu.**

Gospodaru naš, ne stavljam nam u dužnost ono što ne možemo podnijeti. Pobriši grijeha naše i oprostni nam.

Sjednice IO Medžlisa IZ-e :

14. 02. 2013. g. Održana 25. redovna sjednica IO u prostorijama Medžlisa kojom je predsjedavao predsjednik Zehrudin Kruško, a prisustvovalo 12 članova.

Na sjednici je razmatran dnevni red od 12 tačaka, a usvojeni su: Izvod iz zapisnika sa 24. redovne sjednice i informacija predsjednika o realizaciji zaključaka, Izvještaj o realizaciji programa obilježavanja 12. rebiu-l-evvela, Prijedlog Izvještaja o radu IO za 2012. g. sa prijedlogom smjernica za rad u 2013. g. i isti upućen Skupštini Medžlisa IZ-e Tešanj na usvajanje, prijedlog Završnog računa za 2012. g. sa završnim računima džemata i prijedlog Budžeta za 2013.g., Izvještaj Komisije za popis o izvršenom popisu i Odluka, Odluka o dodjeli pohvala IO za 2012.g., Odluka o potrebi rekonstrukcije vakufske kuće u džematu Jablanica i Odluka o imenovanju Građevinskog odbora, Odluka o potrebi izgradnje vakufske kuće na temeljima porušene u džematu Čarši džamije i Odluka o imenovanju Građevinskog odbora.



22.03.2013. – održana 26. redovna sjednica IO u prostorijama Medžlisa kojom je predsjedavao predsjednik Zehrudin Kruško, a prisustvovalo 10 članova. Usvojeni: Zapisnik sa 25. sjednice, Program takmičenja polaznika mekthebske nastave i učenika VII, VIII i IX razreda osnovnih i I razreda srednjih škola, Izvještaj o završetku I faze gradnje sjedišta Medžlisa IZ-e Tešanj sa finansijskim efektima i Odluka o nastavku II faze, informacija Komisije o obavljenim razgovorima sa džematlijama Piljužića i dr.

**POZIV NA SARADNJU**

Esselamu alejkum, poštovani čitatelji!

Pred vama je novi broj Biltena Medžlisa IZ-e Tešanj. Ovo je još jedan naš pokušaj da damo skroman doprinos u prezentaciji našeg rada i aktivnosti i da ga približimo vama.

Javite nam se sa vašim primjedbama i sugestijama kako bismo zajednički što bolje prezentovali naš Medžlis.

Posjetite našu web stranicu i dostavite vaše ideje na naš e-mail

naša web stranica: www.iz-tesanj.ba

e-mail: iztesanj@bih.net.ba

Bilten Medžlisa IZ-e Tešanj

Izdavač: Medžlis IZ-e Tešanj, za izdavača predsjednik IO Zehrudin Kruško.

Glavni i odgovorni urednik: mr. Fuad ef. Omerbašić, tehnički urednik Rašid Orlović

Redakcija: Salih ef. Haušić, Dževad ef. Hasanbašić, Enver ef. Kurtić, Almir ef. Hadžić i Suljo ef. Djedović, saradnici imami MIZ-e Tešanj.

DVADESETOGODIŠNJICA FORMIRANJA

„207/377. VITEŠKE „POUSORSKE LJUTE“ BRIGADE“

...كَمْ مِنْ فِتْنَةٍ قَلِيلَةٍ غَلَبَتْ فِيهَا كَثِيرَةٌ بِإِذْنِ اللَّهِ وَاللَّهُ مَعَ الصَّابِرِينَ

...Koliko je malih skupina pobijedilo velike skupine, Allahovom voljom! Uistinu je Allah sa strpljivima!

كُتِبَ عَلَيْكُمُ الْقِتَالُ وَهُوَ كُرْهٌ لَكُمْ وَعَسَى أَنْ تَكْرَهُوا شَيْئًا وَهُوَ خَيْرٌ لَكُمْ وَعَسَى أَنْ تُحِبُّوا شَيْئًا وَهُوَ شَرٌّ لَكُمْ وَاللَّهُ يَعْلَمُ وَأَنْتُمْ لَا تَعْلَمُونَ

Propisuje vam se borba, mada vam nije po volji! - Ne volite nešto, a ono može biti dobro za vas; nešto volite, a ono ispadne zlo po vas. Allah zna, a vi ne znate.

Draga braćo!

Danas je petak: 03. Džumadel-ula 1434. h.god. / 15. mart 2013. god., a petak je dan u kojem muslimani u zajedništvu vjere iskazuju svoju duhovnu i misaonu slobodu. Tu duhovnu i misaonu slobodu iskazuju u podnevsko vrijeme na mjestu koje je Allahu dž.š. najdraže, kroz džumu namaz i hutbu.

Čovjek ostvaruje svoj život u trim vremenskim odrednicama- **prošlosti, sadašnjosti i budućnosti.**

Poznato nam je da prošlost ne možemo mijenjati, ali možemo se je sjećati, radi naše sadašnjosti i sretnije budućnosti.

Današnja hutba ima za cilj, da nas podsjeti na našu ne tako davnu prošlost kada je bila prilika za svakoga da bude prepoznatljiv u svom odnosu prema Dragom Bogu, sebi i drugima.

Danas se sjećamo aprila 1992. god. kada se je ovaj prostor našao na udaru agresora koji je progonima, granatiranjem, raketiranjem, avionskim bombardovanjem želio okupirati bosanskohercegovački prostor.

U takvim okolnostima javljaju se čestiti, odani pojedinci koji na pojedinačnom planu bivaju spremni žrtvovati svoje živote za zajedničko dobro, odnosno odbranu ovih prostora. Od tih pojedinačnih javljanja shodno odluci predsjedništva R. BiH na čelu sa rahmetli predsjednikom Alijom Izetbegovićem, nastala je Armija Republike Bosne i Hercegovine u kojoj je posebno mjesto zauzela 207. odnosno 377. Viteška „Pousorska ljuta“ brigada.

Danas se sa ponosom sjećamo 15. marta 1993. kada je formirana 207. odnosno 377. Viteška „Pousorska ljuta“ brigada, koja je pronijela lijep glas o ovom kraju, o herojima ovog kraja i herojskoj odbrani ovog prostora. Ovo je prilika da se sjetimo njenih šehida, invalida, znanih i nezvanih heroja, pohvaljenih i nepohvaljenih heroja, njenog komandnog kadra i svih onih koji su stali u prve redove da brane čast, vjeru i državu Bosnu i Hercegovinu. Oni se trebaju ponositi jer su zajedno sa jedinicama MUP-a nakon Allahove pomoći obezbjedili životni prostor za sve one koji osjećaju Bosnu i Hercegovinu svojom domovinom, pa čak i za one koji i dalje pokušavaju uništiti ili destabilizirati sve što je vezano za Bosnu i Hercegovinu.

Draga braćo!

Danas smo svjedoci da se pokušava izjednačiti žrtva i zločinac, da se časna odbrana želi kompromitirati, otuda obilježavanje 20 godina od formiranja 207. odnosno 377. Viteške „Pousorske ljute“ brigade podsjeća nas na potrebu zajedničkog govora o moralnoj vrijednosti Armije u odbrani univerzalnih vrijednosti, kao što je pravo na život, vjeru, imetak, čast i domovinu.

Emanet kojeg smo preuzeli treba da znamo da ima svoju težinu i u miru kao i odgovornost za koji ćemo biti odgovorni pred dragim Bogom i generacijama koje će doći poslije nas. Niko nema pravo radi svojih ličnih frustracija dovesti u pitanje tekovine odbrambene, pravedne borbe u Bosni i Hercegovini.

Draga Braćo

Činim dovu Allahu dž.š. da nagradi šehide i sve istinske borce.

Bože Svemogućí,

Ujedi naša srca u vjeri i ljubavi

Učvrsti naše korake u istini i pravdi

Osnaži volju našu u bratstvu i slozi

Udruži misli naše u domu i domovini.

Amin!

Obilježjen 12. rebiu-l-evvel – Dan rođenja Muhammeda a.s.- U svim džematima prigodni programi - *Izdvajamo*

Bukva -23. januara 2012.g. (11 rebiu-l-evvela 1434. h.g.) – Mevlud proučen u džamiji ovog džemata poslije akšam-namaza. Mevlud su proučili imami okolnih džemata, a prisutnima se obratili džematski imam Ibrahim ef. Okanović prof. i izaslanik glavnog imama Enver ef. Kurtić prof.



Bukva – obraćanje izaslanika glavnog imama

Čarši-džamija - 24. januara 2013.g. – 12. rebiu-l-evvela 1434.h.g. (četvrtak)- Mevlud i dodjela nagrade i priznanja iz Fonda Hasan ef. Škapur - Centralna manifestacija u povodu 12. rebiu-l-evvela, dana rođenja Muhammeda a.s., za područje Muftiluka zeničkog i Medžlisa IZ-e Tešanj održana je u Čarši-džamiji u Tešnju poslije podne–namaza.

Na manifestaciji je proučen tradicionalni mevlud i uručeno priznanja i nagrada iz Fonda „Hasan ef. Škapur“ ovogodišnjem dobitniku Gazi Husrev-begovoj medresi u Sarajevu, koje je njenom direktoru Zijad ef. Ljevakoviću prof., uručio je Muftija zenički mr. Ejub ef. Dautović, a nagradu u iznosu od 1.000,00 KM predsjednik IO Medžlisa IZ-e Tešanj Zehrudin Kruško koji je po položaju i predsjednik Fonda „Hasan ef. Škapur“.

Prigodan mevludski program proučili su imami i hor Medžlisa IZ-e Tešanj, a prisutnima se obratili: imam ove džamije Enver ef. Kurtić prof. , glavni imam Medžlisa IZ-e Tešanj mr. Fuad ef. Omerbašić, Muftija zenički mr. Ejub ef. Dautović i direktor Gazi Husrev-begove medrese u Sarajevu Zijad ef. Ljevaković prof. koji je istakao da ova medresa već 476 godina promiče vrijednosti hadisa i hadiske znanosti.



Prepuna džamija posjetilaca

Hamzibegova džamija - 24. januara 2013.g. – 12. rebiu-l-evvela 1433.h.g. (četvrtak) - Tradicionalni mevlud –za žene – proučen poslije jacije namaza uz zapaženo obraćanje muallime Fatime Čeman.

Održane Tribine:

1. **25. 01. 2013. u džamiji Mračaj-Potočani** – gost hafiz Nedžad ef. Čeman prof.
2. **27.01.2013. u novoj Plavoj džamiji Oraš Planje** – gost dr. Šefik Kurdić



3. **03.02.2013. g. u džamiji Jelah** – gost mr. hafiz Kenan Musić- Tema „Resulullah s.a.v.s. u životu savremenih muslimana .



Tešanjka 31.03. 2013. poslije podne-namaza, 43. tradicionalni mevludski program proučili su imami Medžlisa IZ Tešanj, a prisutnima su se obratili džematski imam Mustafa ef. Balić, Hasan Mujić iz Preporoda, glavni imam mr. Fuad ef. Omerbašić i hafiz Sulejman Bugari, a prigodnu hediju za 20 godina rada u džematu Mustafi ef. uručio predsjednik dž.o. Kemal Bedak.



Obilježen 12. rebiu-l-evvel – saradnja sa školama..., uručene stipendije, mevludi, turniri...**Tešanj - 24. januara 2013.g. – 12 rebiu-l-ahira**

1434.h.g. -Podjela stipendija maturantima medresa – Muftija zenički mr. Ejub ef. Dautović, glavni imam Medžlisa IZ-e Tešanj mr. Fuad ef. Omerbašić i predsjednik IO Zehrudin Kruško upriličili su prijem za maturante medresa u Čarši džamiji u Tešnju.

Nakon obraćanja glavnog imama i Muftije predsjednik IO je maturantima uručio stipendije.

Ovo je 7 godina za redom kako se maturantima medresa iz Fonda Hasan ef. Škapur dodjeljuju stipendije. Zajedno sa ovom godinom obuhvaćeno je 90 maturanata medresa ovim stipendijama u vrijednosti jednomjesečnog internata u medresi – 170,00 KM.

Ove godine stipendije su dodijeljene za 22 maturanta:

1. **Esada Okić**-džemat Miljanovci Novi, „Behrambegova“ m;
2. **Lamija Orlović**- džemat Miljanovci N., „Behrambegova“ m;
3. **Dženana Omerbašić**- dž. Miljanovci ., „Behrambegova“ m
4. **Merima Smajić** dž. Miljanovci ., „Behrambegova“ medresa;
5. **Amina Smajić** - džemat Miljanovci Novi, GHM Sarajevo;
6. **Senija Braković** – dž. Dolac-Kotlanice „Behrambegova“ m;
7. **Amina Husibegović** - Dolac-Kotlanice „Behrambegova“ m;
8. **Fatima Sejmenović** - Dolac-Kotlanice „Behrambegova“ m;
9. **Amila Bećirović** – Karadaglje – „ Behrambegova“ medresa;
10. **Amina Plančić** –Jablanica- „ Behrambegova“ medresa;
11. **Emina Hajrić** - Jablanica- „ Behrambegova“ medresa;
12. **Sumejja Essidiri** – Šije – medresa „Osman ef. Redžović“;
13. **Naida Dedić** – Medakovo - GHM Sarajevo;
14. **Amina Nakić** – Raduša – GHM Sarajevo;
15. **Vahidin Omerbašić**-Miljanovci-„Behrambegova“ medresa;
16. **Emir Smajić** –Miljanovci Novi -„Behrambegova“ medresa;
17. **Muhamed Okanović**-Bukva-„Behrambegova“ medresa;
18. **Semir Hrnjić**-Bobare (Drinčići) -„Behrambegova“ medresa
19. **Ajdin Ibrahimkadić**-Medakovo- GHM Sarajevo;
20. **Džemal Ljevaković** – Trepče - GHM Sarajevo;
21. **Enes Šabanović** – Lepenica – GHM Sarajevo i
22. **Fejz Attou** – Šije – „Osman ef. Redžović“ – Visoko.



Sa maturantima medresa kojima su uručene stipendije

Tešanj; OŠ „Huso Hodžić“ 25.01.2013.g. – održan tradicionalni malonogometni turnir učenika viših razreda ove škole u organizaciji nastavnika Islamske vjeronauke u sportskoj dvorani ove škole.



Tešanj; OŠ „Rešad Kadić“ – 26.01.2013. g. održan prvi turnir u streljaštvu polaznika mektske nastave – vazдушna puška, u sportskoj dvorani ove škole.

Turnir je organizirao Medžlis IZ-e Tešanj uz tehničku i stručnu pomoć Kluba strijelaca Tešanj sa predsjednikom Murisom Prnjavorcem na čelu. Pobjednici takmičenja:

1. mjesto - **Kruško Smajo**-Miljanovci Novi,
2. mjesto **Ogrić Nermin**-Kraševo i
3. mjesto dijele **Salkanović Esmin** iz Medakova i **Hasanbašić Salmir** iz Trepča.



Miljanovci Novi 27. 01. 2013.g. – 8. tradicionalni mevlud učenika OŠ „Džemal Bijedić“ Miljanovci – proučen u ovoj džamiji poslije podne namaza. Nakon izražene dobrodošlice i selama prisutnima džematskog imama hafiza Nermina ef. Ibrahimovića prof., posebno glavnom imamu Medžlisa IZ-e Tešanj mr. Fuad ef. Omerbašiću, predsjedniku IO Medžlisa IZ-e Tešanj Zehrudinu Kruški, i nastavnicama Islamske vjeronauke Almiri Okić i Nisveti Mudrov, kompletan program su izveli učenici ove škole.

Čestitke školi i izvođačima uputio je glavni imam, a zahvalnicu školi uručio predsjednik dž.o. Mirnes Durak prof. koju je u ime škole preuzela Nisveta Mudrov.



Uručenje zahvalnice školi

Održana 4. redovna sjednica Skupštine Medžlisa IZ-e Tešanj u Čarši džamiji Tešanj 24.02.2013. Izdvajamo:

Održana 4. redovna sjednica Skupštine Medžlisa IZ-e Tešanj (u IV sazivu) – 24. 02. 2013. u Čarši džamiji u Tešnju sa početkom u 9,00 sati kojoj je prisustvovao 101 zastupnik od 154 izabrana, Muftija zenički mr. Ejub ef. Dautović, glavni imami Medžlisa IZ-e sa područja Muftiluka Zeničkog, a kojom je predsjedavao predsjednik IO Medžlisa IZ-e Tešanj Zehrudin Kruško.

*Radno predsjedništvo*

Nakon obraćanja predsjedavajućeg i glavnog imama, usvojen je Izvještaj o radu IO Medžlisa IZ-e Tešanj za 2012.g. sa općim smjernicama za rad IO u 2013.godini i data saglasnost na;

- Izvještaj o materijalno-finansijskom poslovanju za period januar-december 2012.g.,
- Završni račun za 2012.g.
- Plan prihoda i rashoda za 2013.g.

Nakon čega je nekoliko prisutnih članova Skupštine u tački dnevnog reda Pitanja i inicijative zastupnika iznijelo svoja mišljenja i prijedloge inicijativa prema IO, dok su neki iskoristili mogućnost i svoje inicijative dostavili u pisanoj formi.

U ime prisutnih glavnih imama članovima Skupštine se obratio Sulejman ef. Čamdžić, glavni imam Medžlisa IZ-e Zavidovići.

Muftija zenički mr. Ejub ef. Dautović je čestitao IO i Medžlisu IZ-e Tešanj na urađenom poslu u protekloj godini, te uputio konkretne prijedloge i smjernice za unapređenje rada Medžlisa IZ-e Tešanj u 2013.

*Obraćanje Mjuftije zeničkog mr. Ejub ef. Dautovića**Dio prisutnih zastupnika na Skupštini*

U svečanom dijelu sjednice Muftija zenički mr. Ejub ef. Dautović je uručio Priznanje Muftijstva zeničkog za doprinos u radu i afirmaciji Islamske zajednice:

*hadži Ahmetu Kantiću, blagajniku IO Medžlisa Tešanj*

Glavni imam Pohvalu IO Medžlisa IZ-e Tešanj,

*Hajrudin ef. Deliću, imamu džemata Mrkotic*

a predsjednik IO Medžlisa IZ-e Tešanj uručio pohvale

*Ademu Mahalbašiću – predsjedniku džematskog odbora džemata Oraš Planje**Senajidu Prnjavorcu – predsjedniku Građevinskog odbora iz džemata Dibekhane džamije*

Događaji, iz naših džemata...

Tešanj; 01.02.2013. Klanjana dženaza Hilmi ef. Perčić u prepunom haremu Čarši džamije Tešanj. Dženazu je klanjao njegov sin Ajdin, a prisutnima se obratio glavni imam Medžlisa IZ-e Tešanj mr. Fuad ef. Omerbašić. Hilmo ef. je ukopan u vakufskom mezarju „Donlagička“ u Tešnju. U periodu 1994. do kraja 2003. Hilmo ef. je bio glavni imam Medžlisa IZ-e Tešanj.



Jelah; 03.03.2013. – Tribina „Dođimo sebi da bi mogli ići drugima“ koju je obradio i prisutnima prezentirao prof. Aljo ef. Cikotić, imam džemata Kalibunar-Travnik.

Jelah; 22.03.2013. –delegacija Medžlisa – glavni imam mr. Fuad ef. Omerbašić, predsjednik IO Zehrudin Kruško, džematski imam Almir ef. Hadžić prof., i predsjednik dž.o. Jelah Kasim Alić; posjetila OŠ „1. mart“ Jelah, i poslije džume održali sastanak u džamiji.



Jelah; 31.03.2012. – u džamiji održana promocija IIN Preporod iza akšam namaza, gosti redakcija Preporoda
Mračaj-Potočani – 29.03.2013.- Održana tribina u džamiji – gost mr. Senad Čeman prof. u GHM Sarajevo

Miljanovci Novi; 14.03.2013.g. 15 odraslih polaznika (od 35-74 godine) uspješno proučilo sufaru.



Fajza Okić, Šaha Kruško, Enisa Sinanović, Zehra Čeman, Velida Kruško, hadži Bahrija Kruško, Senida Kruško, Mejra Kruško, Jasmina Bašić, Hajra Mujkanović, hadži Umihana Brković, Fahra Crnkić, Enisa Mujkanović, Đulesma Mujkanović i hadži Mehmed Kruško.

Aktivnosti na uređenju vakufa u martu 2013.:

Tešanj; zasađeno 99 sadnice višnje na vakufskoj parceli „Paklenica“



Tešanj; provedena akcija na uređenju mezarja „Obješenica“, a u toku „Šehagička“ .

Čagličići – zasađeno 150 sadnice voća na 3 vakufske parcele ukupne površine 2407 m².

Džemilić Planje – 28.02.2013. Jacija i druženje u džamiji poslije jacije namza uz prigodno obraćanje glavnog imama, i **28.03.2013. tribina za žene:** gosti mr. sci. Emina Turalić i muallima Fatima Čeman.



Jablanica; 29.03.2013. –delegacija Medžlisa (glavni imam mr. Fuad ef. Omerbašić, predsjednik IO Zehrudin Kruško, džematski imam Dževad ef. Hasanbašić) posjetila OŠ „Gazi Ferhad-beg“ Jablanica, i sa Općinskim načelnikom i predsjedavajućim OV prisustvovali džumi.



Profesor i učenici „Behram-begove medrese“ iz Tuzle u martu posjetili sve OŠ na području Medžlisa IZ-e Tešanj i predstavili medresu učenicima završenih razreda OŠ. U ovom trenutku tuzlansku medresu pohađaju 44 učenika sa područja ovog Medžlisa.



II – MANIFESTACIJE - DOGAĐAJI

Jelah; 22.03.2013.- Prva džuma u novosagrađenoj džamiji Jelah Polje–hutbu održao i džumu klanjao Admir Đulić, svršnik GHM i zaposleni pravnik u Medžlisu.



Oraš Planje; 10.03.2013. – održana 11. tribina u prepunoj Plavoj džamiji na kojoj je o temi „Uticaj dobrog i lošeg djela“ govorio hafiz Sulejman Bugari.



Aktivnosti OU Ilmije: Izvještajno-svečana sjednica – 26. 02. 2013.g. Na kojoj je usvojen izvještaj o radu za 2012.g. i dodijeljene nagrade i hedije: za doprinos u afirmaciji Ilmije: mr. Fuad ef. Omerbašiću, Zehrudinu Kruški i hadži Rašidu Orloviću; za uspješnu distribuciju islamske literature: hafizu Nerminu ef. Ibrahimoviću, Raifu ef. Hasaku, Elvedin ef. Aličiću, Sulji ef. Djedoviću, Enver ef. Kurtiću i Fuad ef. Čemanu; za jubilarni staž 10 godina: hafizu Nermin ef. Ibrahimoviću, Raif ef. Hasaku i Muhamedu Haliloviću, te za 20 godina Zehiri Karabegović, prigodne hedije penzionisanim imamima i udovima imama putem džematskih imama.



Tešanj; Čarši-džamija - 1. stručni seminar za imame u 2013.– 15.01. 2013. g. održan u Čarši džamiji u Tešnju – na kome je temu „Metoda intencija i ciljeva u hanefijskoj pravnoj misli“ obradio i prisutnima prezentovao Amar ef. Bedaković koji je ovom temom odbranio diplomski na Islamskom pedagoškom fakultetu u Bihacu i stekao zvanje Bakalaureat Islamske vjeronauke.

Teslić; 30.01.2013. održan stručni seminar za imame u Tesliću, prisustvovali imami iz Tešnja, Teslića i Doboja – predavanja održali Muftija zenički mr. Ejub ef. Dautović, dr. Zuhdija Adilović i dr. Nusret Isanović.



Tešanj; Čarši-džamija - 3. stručni seminar za imame u 26.03. 2013. g.- Gost predavač Mehmedalija Hadžić prof.

**III – POSJETE MUFTIJE ZENIČKOG**

Muftija zenički mr. Ejub ef. Dautović– 04.02.2013. posjetio kompanije „Koteks“ i „Hifa“, a 15.02.2013. „AS“ i „Madi“ te džemete Medakovo - džuma i uručio priznanje Jusi Muminoviću, O. Planje-ikindija, i akšam u mesdžidu „Lipe“.



Posjeta mektebima Muftije zeničkog -17.03.2013. u društvu glavnog imama Muftija nenajavljeno posjetio mektebe: Jelah, Miljanovci, Vukovo, Raduša, O. Planje i u Šarenom mektebu muallime Salih ef., Enver ef. i hfz. Ahmed ef.

